



O‘ZBEKISTON RESPUBLIKASI PREZIDENTINING QARORI

2022 yil « 1 » март

№ПК-144

Қишлоқ хўжалигида сувни тежайдиган технологияларни жорий этишни янада такомиллаштириш чора-тадбирлари тўғрисида

Сўнгги йилларда мамлакатимизда қишлоқ хўжалиги ерларининг самарадорлигини, жумладан сувни тежайдиган технологияларни қўллаган ҳолда, оширишга алоҳида эътибор қаратилмоқда.

Давлат томонидан қўллаб-қувватлаш механизмлари замон талабларига мослаб борилаётганлиги сабабли сувни тежайдиган технологиялар 2021 йилнинг ўзида **433 минг гектар** майдонда жорий этилди ва уларнинг умумий кўрсаткичи **суғориладиган майдонларнинг 17 фоизини ташкил қилди.**

Бироқ, сувни тежайдиган суғориш тизимларини ишлаб чиқариш, етказиб бериш, харид қилиш, жойларда лойиҳалаштириш ва ўрнатишдаги камчиликлар ҳамда айрим қишлоқ хўжалиги маҳсулотлари ишлаб чиқарувчиларнинг бу борадаги кўникмалари етарли эмаслиги мазкур технологияларнинг ўз вақтидан кечикиб жорий қилинишига сабаб бўлмоқда.

Сувни тежайдиган технологияларни жорий қилишдаги мавжуд камчилик ва муаммоларни бартараф этиш, минтақада кузатилаётган сув танқислигининг салбий таъсирини юмшатиш, шунингдек, қишлоқ хўжалиги экинларини етиштиришда сув ресурсларидан янада самарали фойдаланиш мақсадида:

1. Сув хўжалиги вазирлиги, Қишлоқ хўжалиги вазирлиги, Қорақалпоғистон Республикаси Вазирлар Кенгаши ва вилоятлар ҳокимликларининг 2022 йилда **478 минг гектар майдонда сувни тежайдиган технологияларни жорий қилиш** орқали сувдан фойдаланиш самарадорлигини ошириш тўғрисидаги таклифи маъқуллансин.

2. 2022 йилда сувни тежайдиган технологияларни жорий қилиш бўйича прогноз кўрсаткичлар 1-иловага мувофиқ тасдиқлансин.

Бош вазир ўринбосари Ш.М. Ғаниев:

а) Қорақалпоғистон Республикаси Вазирлар Кенгаши Раиси ҳамда вилоятлар ҳокимлари билан биргаликда мазкур қарорга 1-илова билан тасдиқланган прогноз кўрсаткичларга мувофиқ 2022 йил якунига қадар республика бўйича камида:

230 минг гектар, шу жумладан 160 минг гектар пахта хомашёси етиштириладиган майдонларда томчилатиб суғориш;

28 минг гектар, шу жумладан 25 минг гектар бошоқли дон етиштириладиган майдонларда ёмғирлатиб суғориш;

2 минг гектар қишлоқ хўжалиги экин майдонларида дискретли суғориш тизимлари жорий қилинишини;

218 минг гектар экин майдонларининг лазерли ускуна ёрдамида текисланишини ташкил этсин;

б) Сув хўжалиги вазирлиги (Ш.Р. Хамраев), Қишлоқ хўжалиги вазирлиги (Ж.А. Ходжаев), Бош прокуратура (Ш.Ж. Рахимов), Ички ишлар вазирлиги (С.А. Нишанбаев), Қорақалпоғистон Республикаси Вазирлар Кенгаши ва вилоятлар ҳокимликлари билан биргаликда тасдиқланган прогноз кўрсаткичлар ижроси юзасидан тизимли мониторинг ўрнатсин ҳамда натижаларини танқидий муҳокама қилиб борсин.

3. Қорақалпоғистон Республикаси Вазирлар Кенгаши Раиси ва вилоятлар ҳокимлари Сув хўжалиги вазирлиги (Ш.Р. Хамраев), Қишлоқ хўжалиги вазирлиги (Ж.А. Ходжаев), “Ҳудудий электр тармоқлари” АЖ (У.М. Мустафоев), Геология ва минерал ресурслар давлат қўмитаси (Б.Ф. Исламов) билан биргаликда бир ҳафта муддатда 2022 йилда сувни тежайдиган технологияларни жорий қилиш бўйича манзилли рўйхатни тасдиқласин, бунда:

сувни тежайдиган тизимлар, биринчи навбатда, йирик сув узатиш ва сув чиқариш тармоқларининг бош қисмида жорий этилиши лозимлигини инобатга олган ҳолда **“бир канал – бир тизим”** тамойили асосида жойлаштирилишига;

экин майдонларининг мавжуд инфратузилмасидан келиб чиққан ҳолда доимий равишда **узлуксиз электр энергияси ва сув билан таъминлаш** имкони мавжудлигига эътибор қаратилсин.

4. 2022 йилдан бошлаб қишлоқ хўжалиги маҳсулотларини етиштиришда сувни тежайдиган технологияларни жорий этишни давлат томонидан қўллаб-қувватлашнинг қуйидаги тартиби белгилансин:

қишлоқ хўжалиги маҳсулотлари ишлаб чиқарувчиларга сувни тежайдиган суғориш технологияларини жорий этиш бўйича харажатларнинг бир қисмини қоплаш учун субсидиялар **2-иловага мувофиқ;**

сувни тежайдиган суғориш тизимларини харид қилиш ва қуришга ажратиладиган **банк кредитлари бўйича фоиз харажатларининг бир қисмини қоплаш учун субсидиялар 3-иловага мувофиқ** тақдим этилади.

Субсидия маблағлари мазкур қарорга 2-иловага мувофиқ ҳисоб-китоб қилингандан сўнг, **ҳисоб-китоб қилинган сумманинг:**

50 фоизи тизим жорий қилинган йили ажратилади;

50 фоизи келгуси йили ҳосилдорлик ошиши ва ускуналарнинг ишлатилишига қараб ажратилади;

қўшимча 20 фоизи учинчи йилда жорий қилинган тизимни ишлатган ҳолда юқори ҳосилдорликни сақлаб қолган **пахта, ғалла ва мева-сабзавот кластерларига тўлаб берилади.**

5. Белгилансинки:

мазкур қарорнинг 4-бандида назарда тутилган субсидия маблағлари жорий қилинган сувни тежайдиган суғориш тизимлари камида **беш йил ишлатилиши шарти билан ажратилади;**

сувни тежайдиган технологиялар жорий қилинган ер майдонлари камида **5 йил мобайнида мақбуллаштирилмайди**, ер участкаси ёки унинг бир қисми давлат ва жамоат эҳтиёжлари учун олиб қўйилишига ердан фойдаланувчи розилиги асосида сарф этилган маблағларнинг **ўрни тўлиқ қопланганидан сўнггина рухсат этилади;**

2021 йилда сувни тежайдиган суғориш технологияларини жорий қилганлиги учун Давлат бюджетидан субсидия маблағларини олган, бироқ жорий этилган сувни тежайдиган суғориш тизимларини суғориш мавсумида ишлатишга улгурмаган қишлоқ хўжалиги маҳсулотлари ишлаб чиқарувчилар мазкур тизимни **2022 йил суғориш мавсумига қадар ишга туширмаган тақдирда олинган субсидия маблағларини белгиланган тартибда Давлат бюджетига қайтаради.**

Бош прокуратура (Ш.Ж. Рахимов), Агросаноат мажмуи устидан назорат қилиш инспекцияси (А.Д. Вахабов) ва Сув хўжалиги вазирлиги (Ш.Р. Хамраев ва Р.Ж. Қаршиев) мазкур бандда белгиланган **талабларнинг ижросини қатъий назоратга олсин.**

6. Бош вазир ўринбосари Ж.А. Қўчқоров, Молия вазирлиги (Т.А. Ишметов) 2022 йилда сувни тежайдиган технологияларни жорий этишни қўллаб-қувватлаш учун республика бюджетидан 1 182,4 млрд сўм маблағларнинг ўз вақтида ажратилишини таъминласин.

7. Сувни тежайдиган суғориш технологиялари жорий қилинган экин майдонлари ўзлуксиз:

сув билан таъминланишига – сув хўжалиги вазири Ш.Р. Хамраев;

электр энергияси билан таъминланишига – “Худудий электр тармоқлари” АЖ бошқаруви раиси У.М. Мустафоев шахсан масъул эканлиги белгилаб қўйилсин.

8. Сув хўжалиги вазирлиги тизимидаги республика бюджетидан молиялаштириладиган ташкилотларда мавжуд штат бирликларини қисқартириш ҳисобига:

ирригация тизимлари ҳавза бошқармалари таркибида 1 штат бирлигидан иборат ички аудит гуруҳлари (кейинги ўринларда – ИТХБ ички аудит гуруҳлари) ташкил этилсин;

Сув хўжалиги вазирлигининг ички аудит хизматига қўшимча 1 та штат бирлиги ажратилсин.

Белгилансинки:

а) ИТХБ ички аудит гуруҳлари бевосита Сув хўжалиги вазирлигининг ички аудит хизматига бўйсунди;

б) ИТХБ ички аудит гуруҳларининг асосий вазифалари қуйидагилар ҳисобланади:

сувни тежайдиган технологияларни жорий этиш бўйича харажатларнинг бир қисмини қоплаш учун мазкур қарорнинг 2-иловасига мувофиқ ажратиладиган субсидияларнинг тўғри ҳисобланганлигини ҳамда белгиланган тартибда расмийлаштирилганлигини ўрганиш;

жорий қилинган сувни тежайдиган тизимларнинг ҳаққонийлигини жойига чиққан ҳолда ўрганиш;

Сув хўжалиги вазирлигига сувни тежайдиган технологияларни жорий этиш бўйича харажатларнинг бир қисмини қоплаш учун субсидия ажратиш ёки ажратмаслик юзасидан хулоса киритиш;

сувни тежайдиган технологияларни жорий этишга сарфланган харажатлар бўйича ҳужжатларни ҳамда бу борада амалга оширилган бухгалтерия операцияларини доимий мониторинг қилиб бориш;

сувни тежайдиган технологияларни жорий қилишда вужудга келиши мумкин бўлган қонун бузилиши ҳолатларининг барвақт олдини олишга қаратилган чоралар юзасидан таклифлар ишлаб чиқиш;

Қорақалпоғистон Республикаси Сув хўжалиги вазирлиги ҳамда ирригация тизимлари ҳавза бошқармаларининг сувни тежайдиган ва рақамли технологияларни ривожлантириш бўлими томонидан юритиладиган сувни тежайдиган тизимларнинг жорий қилинган майдонлари бўйича **ҳисоботларнинг ҳаққонийлигини** назорат қилиш.

9. Бош вазир ўринбосари Ш.М. Ғаниев Сув хўжалиги вазирлиги (Ш.Р. Хамраев), Қишлоқ хўжалиги вазирлиги (Ж.А. Ходжаев) ҳамда Монополияга қарши курашиш қўмитаси (Ш.Ш. Шарахметов) билан биргаликда **бир ой муддатда** ўтган йилларда сувни тежайдиган технологияларни жорий этиш ишларини сифатли амалга оширган ҳамда бозор иқтисодиётида эркин рақобат талабларига тўлиқ жавоб бера оладиган **“Tomchi-reestr” пудрат корхоналарининг ягона электрон реестрини** (кейинги ўринларда – **“Tomchi-reestr” ЯЭР**) ишлаб чиқсин.

“Tomchi-reestr” ЯЭРни ишлаб чиқишда, жумладан қуйидагиларга эътибор қаратилсин:

корхонанинг **ишлаб чиқариш базасига** эга бўлишига;

корхона томонидан **маҳаллий шароитда ишлаб чиқаришнинг** йўлга қўйилганлиги ёки хорижий ва маҳаллий ишлаб чиқарувчиларнинг расмий дилерлик мақомига эга бўлишига;

амалдаги қонунчилик ҳужжатларига асосан **солиқ хавфи** даражасига;

лойиҳани амалга ошириш учун **зарур техника, малакали мутахассис, жумладан лойиҳачи, инженер ва агрономлар** билан таъминланганлик даражасига;

амалга оширилган лойиҳалар доирасида фермер хўжаликларига **сервис хизмати кўрсатилиши** йўлга қўйилганлигига.

Белгилаб қўйилсинки, **“Tomchi-reestr” ЯЭР**га киритилмаган пудрат корхоналари **томонидан амалга оширилган лойиҳаларга субсидия маблағлари ажратилмайди.**

10. **“Tomchi-reestr” ЯЭР**га киритиладиган субъектларни аниқлаш учун Сув хўжалиги вазирлигига:

Давлат солиқ қўмитаси, Давлат статистика қўмитаси ҳамда Бандлик ва меҳнат муносабатлари вазирлиги томонидан ходимлар сони, асосий воситалар ҳажми, олинган даромадлар, тўланган солиқлар ва иш ҳақи фонди тўғрисидаги маълумотлар;

бошқа мутасадди вазирликлар ва идоралар томонидан зарур идоравий маълумотлар ўрнатилган тартибда тақдим этилиши белгилаб қўйилсин.

11. Қишлоқ хўжалиги вазирлиги (К.А. Юлдашев) Сув хўжалиги вазирлиги (Р.Ж. Қаршиев), Ахборот технологиялари ва коммуникацияларини ривожлантириш вазирлиги (О.А. Пекосъ) ҳамда Молия вазирлиги (А.Я. Хайдаров) билан биргаликда 2022 йил 10 мартга қадар сувни тежайдиган технологияларни жорий қилган қишлоқ хўжалиги маҳсулотлари ишлаб чиқарувчиларга субсидиялар бериш юзасидан тегишли материалларни тўплаш, кўриб чиқиш ҳамда ваколатли орган ва ташкилотлар билан келишишнинг “Agro-subsidiya” ягона ахборот тизими (кейинги ўринларда – “Agro-subsidiya” ЯАТ) жорий қилинишини таъминласин.

12. “Agro-subsidiya” ЯАТ ҳамда “Tomchi-reestr” ЯЭРдан фойдаланиш харажатлари Давлат бюджетидан ажратиладиган маблағлар доирасида амалга оширилиши белгилансин.

13. Ўзбекистон Республикаси Президентининг 2019 йил 25 октябрдаги “Қишлоқ хўжалигида сув тежовчи технологияларни жорий этишни рағбатлантириш механизмларини кенгайтириш чора-тадбирлари тўғрисида”ги ПҚ–4499-сон қарорига мувофиқ 2022 йил 1 январдан:

пахта хомашёси ва бошоқли дон етиштириш учун насос агрегатлари ва суғориш қудуқлари истеъмол қилган электр энергияси қийматини Давлат бюджетидан субсидиялар ҳисобига қоплаш тартиби фақат сувни тежайдиган технологияларни жорий этган қишлоқ хўжалиги маҳсулотлари ишлаб чиқарувчиларига татбиқ этилиши;

қишлоқ хўжалиги маҳсулотлари ишлаб чиқарувчилари томонидан сув хўжалиги ташкилотларининг суғориш қудуқлари ва вертикал дренаж қудуқларидан қишлоқ хўжалиги экинларини суғориш учун фойдаланишга сувни тежайдиган технологияларни қўллаш шарти билан рухсат этилиши маълумот учун қабул қилинсин.

Бош прокуратура (Ш.Ж. Рахимов), Молия вазирлиги (А.Я. Хайдаров) Ички ишлар вазирлиги (С.А. Нишанбаев) ва Сув хўжалиги вазирлиги (Ш.Р. Хамраев ва Р.Ж. Қаршиев) мазкур бандда белгиланган талабларнинг ижросини қатъий назоратга олсин.

14. Иқтисодий тараққиёт ва камбағалликни қисқартириш вазирлиги (И.И. Норқулов) Молия вазирлиги (А.Я. Хайдаров) ва Сув хўжалиги вазирлиги (Р.Ж. Қаршиев) билан биргаликда икки ой муддатда 10 гектардан кам бўлмаган пахта ва бошоқли дон майдонлари учун қайта тикланувчи энергия манбалари ҳамда кўчма генераторлар каби ускуналарни сотиб олиш харажатларининг 50 фоизигача, бироқ 100 миллион сўмдан ортиқ бўлмаган миқдорда қоплаш тартибини ишлаб чиқсин ва Вазирлар Маҳкамасига киритсин.

15. Сув хўжалиги вазирлиги (Р.Ж. Қаршиев) Қишлоқ хўжалиги вазирлиги (А.М. Тўраев), Инновацион ривожланиш вазирлиги (Ш.У. Турдиқулова) ҳамда Олий ва ўрта махсус таълим вазирлиги (Р.Р. Хакимов) билан биргаликда томчилатиб суғориш технологияси жорий қилинган **ғўза майдонларида суғориш меъёрлари, ғўзанинг ривожини таъминлашга қаратилган инновацион агротехнологияни ишлаб чиқиш бўйича илмий лойиҳа тайёрласин ва экспертиза натижаларига мувофиқ илмий фаолиятга оид Давлат дастурлари доирасида амалга ошириш чораларини кўрсин.**

16. Қуйидагиларга:

Бош вазир ўринбосари Ш.М. Ғаниев зиммасига – холислик ва шаффофлик тамойилларига асосланган ҳолда сувни тежайдиган технологияларни жорий этиш бўйича олиб борилаётган ишларнинг самарадорлигини таъминлаш;

сув хўжалиги вазири Ш.Р. Хамраев зиммасига – ҳудудларнинг ўзига хослигини ҳисобга олган ҳолда томчилатиб суғориш тизимини қуриш бўйича намунавий лойиҳаларни ишлаб чиқиш, шунингдек, томчилатиб суғориш тизимини монтаж қилиш ва сервис хизмати кўрсатиш гуруҳлари ташкил этилишини таъминлаш;

қишлоқ хўжалиги вазири Ж.А. Ходжаев зиммасига – ҳудудларнинг тупроқ-иқлим шароитидан келиб чиққан ҳолда, сувни тежайдиган технологиялар орқали пахта хомашёси ва бошоқли дон етиштириш бўйича агротехнологик хариталарни ишлаб чиқиш ва тасдиқлаш;

Алкоголь ва тамаки бозорини тартибга солиш ҳамда виночиликни ривожлантириш агентлиги директори Р.Р. Бобоев зиммасига – барча янги ташкил этилаётган саноатбоп узум плантацияларига томчилатиб суғориш тизимлари ўрнатилишини таъминлаш юзасидан жавобгарлик юклансин.

17. Сув хўжалиги вазирлиги (А.А. Мирзаев) Қишлоқ хўжалиги вазирлиги (Ш.Ш. Мирзаев) ва Молия вазирлиги (А.Я. Хайдаров) билан биргаликда **икки ҳафта муддатда** мазкур қарорга мувофиқ Вазирлар Маҳкамасининг 2021 йил 23 февралдаги 95-сон қарорига тегишли ўзгартириш ва қўшимчалар киритишни назарда тутадиган **Ҳукумат қарори лойиҳасини Вазирлар Маҳкамасига киритсин.**

18. Ўзбекистон Республикаси Президентининг айрим қарорларига **4-иловага мувофиқ ўзгартириш ва қўшимчалар киритилсин.**

19. Мазкур қарор ижросини муҳокама қилиб бориш, ижро учун масъул идоралар фаолиятини мувофиқлаштириш ва назорат қилиш Бош вазир ўринбосари Ш.М. Ғаниев зиммасига юклансин.

**Ўзбекистон Республикаси
Президенти**



Ш. Мирзиёев

Тошкент шаҳри

Ўзбекистон Республикаси Президентининг
2022 йил 1 мартдаги ПҚ–144-сон қарорига
1-илова

**2022 йилда сўвни тежайдиган технологияларни жорий қилиш бўйича
ПРОГНОЗ КЎРСАТКИЧЛАР**

Ҳудудлар номи	Жами режа бўйича, га	Шу жумладан:										ерларни лазерли текислаш, га
		томчилатиб суғориш, га	шундан				ёмғирлатиб суғориш, га	шундан			дискретли суғориш, га	
			пахта, га	боғ, га	ток, га	бошқа- лар, га		ғалла, га	сабзавот- полиз, га	озуқабоп экинлар, га		
Қорақалпоғистон Республикаси	17 422	15 418	12 200	1 500	1 300	418	1 904	1 904			100	29 500
Андижон вилояти	19 010	16 824	13 000	2 000	1 300	524	1 986	1 986			200	11 000
Бухоро вилояти	21 839	19 227	13 250	3 100	2 400	477	2 612	2 612				14 900
Жиззах вилояти	21 447	18 981	13 850	3 400	1 500	231	2 266	1 706	260	300	200	10 000
Қашқадарё вилояти	23 681	20 958	12 800	4 100	3 500	558	2 723	2 400	60	263		12 400
Навоий вилояти	16 403	14 517	10 700	2 000	1 200	617	1 886	1 730	30	126		11 800
Наманган вилояти	20 544	18 181	11 500	3 700	2 500	481	2 000	2 000			363	10 600
Самарқанд вилояти	21 328	18 875	11 800	3 900	2 900	275	2 453	2 453				15 200
Сурхондарё вилояти	19 187	16 980	12 300	2 500	1 800	380	2 207	2 207				15 800
Сирдарё вилояти	17 736	15 696	12 100	1 900	1 400	296	1 360	1 360			680	19 500
Тошкент вилояти	20 788	18 397	12 200	3 800	2 200	197	2 191	1 200	680	311	200	19 000
Фарғона вилояти	21 377	18 919	11 100	4 100	3 500	219	2 280	1 442	838		178	17 800
Хоразм вилояти	19 238	17 026	13 200	2 000	1 500	326	2 132	2 000	132		80	30 500
ЖАМИ	260 000	230 000	160 000	38 000	27 000	5 000	28 000	25 000	2 000	1 000	2 000	218 000

Изоҳ: мазкур прогноз кўрсаткичларга кўзда тутилган маблағлар доирасида қўшимча ва ўзгартиришлар киритилиши мумкин.

**Қишлоқ хўжалиги маҳсулотлари ишлаб чиқарувчиларига сувни
тежайдиган суғориш технологияларини жорий этиш бўйича
харажатларнинг бир қисмини қоплаш учун
СУБСИДИЯЛАР**

**I. Жорий этилганда сарфланган харажатларнинг бир қисмини
қоплаш учун субсидиялар ажратиладиган сувни тежайдиган суғориш
технологиялари:**

а) томчилатиб суғориш – қишлоқ хўжалиги экинларини
парваришlashда ўсимликнинг илдизи ёнидаги зонага унинг эҳтиёжига мос
миқдордаги сувни етказиб берадиган суғориш усули;

б) ёмғирлатиб суғориш – қишлоқ хўжалиги экинларини суғоришнинг
тупроқ ва ўсимликлар сатҳи устига имкон бориша табиий ёмғирлатишни
имитация қилувчи сепиш тарзида сув етказиб берадиган усули, хусусан:

кенг қамровли ёмғирлатиб суғориш тизими (кейинги ўринларда –
кенг қамровли суғориш тизими) – айланма ёки фронтал ҳаракатланувчи
агрегатлар ёрдамида сув етказиб берадиган ёмғирлатиб суғориш тизими;

“спринклер” тизими – стационар калта пурковчи ускуналар
ёрдамида сув етказиб берадиган ёмғирлатиб суғориш тизими;

мобиль ёмғирлатиб суғориш тизими (кейинги ўринларда – мобиль
суғориш тизими) – кўчма тиркама ва барабан типдаги агрегат ёрдамида
экинларни ёмғирлатиб суғориш тизими;

**в) ерни лазерли ускуна билан жиҳозланган текислагичлар
ёрдамида текислаган тарзда дискрет суғориш усули** (кейинги ўринларда
– дискретли суғориш) – лазерли ускуна билан жиҳозланган текислагичлар
ёрдамида текисланган майдонларда экинларни эгилувчан қувурлар
ёрдамида сувни танаффуслар билан берган ҳолда суғориш усули.

**II. Сувни тежайдиган суғориш тизимлари таркибий қисмларининг
таърифлари:**

Ҳовуз-тиндиргич – оқар сув таркибидаги лойқа-оқизикларни ушлаб
қолиш (сувни тиндириш) ҳамда суғориш учун зарур бўладиган сув
захирасини сақлаш учун мўлжалланган иншоот.

Насос станцияси – сувни манбадан экинларни суғориш учун зарур миқдор ва керакли босимда етказиб беришга мўлжалланган, электр энергияси, суюқ ёнилғи ёки бошқа муқобил энергия ёрдамида ишлайдиган қурилма.

Фильтрлаш станцияси – суғоришда фойдаланиладиган сувнинг таркибидаги йирик ва майда зарраларни сувни тежайдиган суғориш технологияси талаби даражасида тозалашга мўлжалланган қурилма.

Бош (магистрал) қувур – керакли миқдордаги сувни тизим насос қурилмасидан олиб тарқатувчи қувурларга етказиб бериш учун мўлжалланган ер ости ёки устида ётқизиладиган қувурлар.

Тарқатувчи қувур – сувни бош қувурдан олиб томизғичли суғориш шлангларига етказиб ва тақсимлаб бериш учун ёки қатор орасига сувни тарқатишга хизмат қилувчи ер ости ёки устида ётқизиладиган қувурлар.

Томизғичли суғориш шланглари – экинлар қаторлари ораларига ётқизиладиган ва белгиланган меъёрдаги сувни ўсимлик илдиз тизимига етказиб бериш учун мўлжалланган томизғичли шланглар.

Тизимнинг автоматлаштирилган бошқаруви – сувни тежайдиган суғориш тизимларини ишлатишда инсон омилини камайтириш орқали ўсимликларга сув ва минерал ўғитни энг самарали миқдорларда автоматлаштирилган усулда етказишга мўлжалланган ускуна ва дастурий таъминот мажмуаси.

Томизғичли шланг тарқатувчи ва йиғиштирувчи ускуна – бир мавсумли экин қаторлари ораларига ётқизиладиган томчилатиб суғориш тизими шланг (лента)ларини тарқатишда ва мавсум охирида йиғиштириб олишда фойдаланиладиган қурилма мажмуаси.

Сув ҳисоблагич – суғоришда фойдаланиладиган сувнинг автоматик тарзда ҳисобини юритувчи қурилма.

III. Субсидиялар миқдорлари:

1. Сувни тежайдиган суғориш технологияларни жорий этиш харажатларининг бир қисмини қоплаш учун ажратиладиган **субсидиянинг миқдори** унинг **базавий ҳисоблаш миқдорини** сифатлилик даражаси асосида белгиланадиган **коэффициентга кўпайтириш** орқали аниқланади.

2. Субсидияларнинг базавий ҳисоблаш миқдорлари тизим жорий этилган экин майдонининг ҳар бир гектари учун қуйидагича белгиланади:

минг сўм

Сувни тежайдиган суғориш тизими тури	Пахта	Донли экинлар	Сабзавот экинлари ва картошка	Полиз экинлари	Озуқабоп, мойли, дуккакли экинлар ва доривор ўсимликлар	Мевали экинлар	Узум
Томчилатиб суғориш	8 000*	х	1 500	1 300	2 500	6 000	8 000
Кенг қамровли ва мобиль суғориш	х	6 000**	1 200	х	2 500	х	х
“Спринклер” тизими	х	8 000**	1 000	х	2 000	х	х
Дискретли суғориш	2 000	х	х	х	х	х	х

* Қорақалпоғистон Республикаси ва Хоразм вилоятидаги пахта майдонларида жорий этилган томчилатиб суғориш тизимлари учун 12 000 минг сўм этиб белгиланади.

** Қорақалпоғистон Республикаси ва Хоразм вилоятидаги донли экинлар етиштириш майдонларида жорий этилган кенг қамровли ҳамда “спринклер” тизимлари учун 9 000 минг сўм этиб белгиланади.

3. Сувни тежайдиган суғориш тизимларининг сифатлилик даражасини белгиловчи коэффицент 3.1–3.3 жадвалларнинг “ЖАМИ” сатридаги кўрсаткич асосида белгиланади:

3.1-жадвал. Томчилатиб суғориш тизимларининг сифатлилик даражасини белгиловчи коэффицентни ҳисоблаш

т/р	Тизимнинг таркибий қисмлари ва сифат кўрсаткичлари	Кўрсаткич
1.	Ҳовуз-тиндиргич	*
1.1.	бетон ёки темир-бетон қопламали	0,08
1.2.	геомембрана қопламали (қалинлиги ≥ 1 мм)	0,05
1.3.	бир мавсумли плёнка билан қопланган	0,02
1.4.	тупроқ ўзанли (қопламасиз)	0,01
2.	Насос станцияси	0,1
3.	Фильтрлаш қурилмаси	*
3.1.	гидроциклонли, тозаланиши автоматлаштирилган қумли гидравлик автомат фильтр ва ўғит бериш мосламаси	0,15

3.2.	гидроциклонли, қумли, диски ёки сеткали ҳамда тозаланиши автоматлаштирилган фильтр ва ўғит бериш мосламаси	0,1
3.3.	гидроциклонли, диски ёки сеткали фильтр ва ўғит бериш мосламаси	0,05
4.	Бош (магистрал) қувурлар	*
4.1.	қалин деворли (қалинлиги $>5,3$ мм ёки босимга чидамлилиги $>6,0$ атмосфера)	0,25
4.2.	ўртача қалин деворли (қалинлиги $3,4-5,2$ мм ёки босимга чидамлилиги $4,0-5,9$ атмосфера)	0,2
4.3.	юпқа деворли (қалинлиги $2,7-3,3$ мм гача ёки босимга чидамлилиги $2,5-3,9$ атмосфера)	0,15
5.	Тарқатувчи қувурлар (мевали экинлар ва узумдан ташқари)	*
5.1.	қалин деворли (қалинлиги $>2,7$ мм ёки босимга чидамлилиги $>2,4$ атмосфера)	0,25
5.2.	ўртача қалин деворли (қалинлиги $1,4-2,6$ мм ёки босимга чидамлилиги $1,9-2,4$ атмосфера)	0,2
5.3.	юпқа деворли (қалинлиги $0,75-1,3$ мм ёки босимга чидамлилиги $1,2-1,8$ атмосфера)	0,15
6.	Тарқатувчи қувурлар (мевали экинлар ва узум учун)	*
6.1.	қалин деворли (қалинлиги $\geq 3,1$ мм)	0,25
6.2.	ўртача қалин деворли (қалинлиги $2,8-3,1$ мм)	0,2
6.3.	юпқа деворли (қалинлиги $0,75-2,7$ мм)	0,15
7.	Томизғичли суғориш шланглари (мевали экинлар ва узумдан ташқари)	*
7.1.	қалин деворли (қалинлиги $\geq 0,3$ мм)	0,4
7.2.	ўртача қалин деворли (қалинлиги $0,15-0,29$ мм)	0,35
7.3.	юпқа деворли (қалинлиги $\leq 0,14$ мм)	0,3
7.4.	тупроқости суғоришга мўлжалланган шланглар	0,5
8.	Томизғичли суғориш шланглари (мевали экинлар ва узум учун)	*
8.1.	қалин деворли (қалинлиги $>0,7$ мм)	0,4
8.2.	ўрта деворли (қалинлиги $0,3-0,7$ мм)	0,35
8.3.	юпқа деворли (қалинлиги $<0,3$ мм)	0,3
9.	Тизимнинг автоматлаштирилган бошқаруви	0,1
10.	Томизғичли шланг тарқатувчи ва йиғиштирувчи ускуна	0,05
11.	Сув ҳисоблагич	0,1
ЖАМИ		**

* мазкур қисмдаги кўрсаткичларнинг биттаси танланади;

** мевали экинлар ва узумдан ташқари экин турлари учун: 1, 2, 3, 4, 5, 7, 9, 10, 11 сатрлардаги кўрсаткичлар қўшиб акс эттирилади;

мевали экинлар ва узум учун: 1, 2, 3, 4, 6, 8, 9, 11 сатрлардаги кўрсаткичлар қўшилиб акс эттирилади.

3.2-жадвал. Ёмғирлатиб суғориш тизимларининг сифатлилик даражасини белгиловчи коэффицентни ҳисоблаш

т/р	Тизимнинг таркибий қисмлари ва сифат кўрсаткичлари	Кўрсаткич
1.	Ҳовуз-тиндиргич	*
1.1.	бетон ёки темир-бетон қопламали	0,15
1.2.	геомембрана қопламали (қалинлиги ≥ 1 мм)	0,1
1.3.	бир мавсумли плёнка билан қопланган	0,05
1.4.	тупроқ ўзанли	0,02
2.	Насос станцияси	0,1
3.	Фильтрлаш қурилмаси	*
3.1.	гидроциклонли, тозаланиши автоматлаштирилган қумли гидравлик автомат фильтр ва ўғит бериш мосламаси	0,35
3.2.	гидроциклонли, қумли, диски ёки сеткали ҳамда тозаланиши автоматлаштирилган фильтр ва ўғит бериш мосламаси	0,25
3.3.	гидроциклонли, диски ёки сеткали фильтр ва ўғит бериш мосламаси	0,05
4.	Сув тарқатувчи тизимлар	*
4.1.	кенг қамровли суғориш тизими	0,6
4.2.	“спринклер” тизими	0,6
4.3.	мобиль суғориш тизими	0,4
5.	Тизимнинг автоматлаштирилган бошқаруви	0,1
6.	Сув ҳисоблагич	0,1
ЖАМИ		**

* мазкур қисмдаги кўрсаткичларнинг биттаси танланади;

** 1, 2, 3, 4, 5, 6 сатрлардаги кўрсаткичлар қўшиб акс эттирилади.

3.3-жадвал. Дискретли суғориш тизимларининг сифатлилик даражасини белгиловчи коэффицентни ҳисоблаш

т/р	Тизимнинг таркибий қисмлари ва сифат кўрсаткичлари	Кўрсаткич
1.	Насос станцияси	0,2
2.	Бош (магистрал) қувурлар	*
2.1.	қалин деворли (≥ 2 мм) бир қаватли	0,3
2.2.	қалин деворли (≥ 2 мм) икки қаватли	0,45
2.3.	ўртача қалин деворли (1–2 мм) бир қаватли	0,25
2.4.	ўртача қалин деворли (1–2 мм) икки қаватли	0,4
2.5.	юпқа деворли (≤ 1 мм) бир қаватли	0,2
2.6.	юпқа деворли (≤ 1 мм) икки қаватли	0,35
3.	Тарқатувчи қувурлар	*
3.1.	қалин деворли ($\geq 0,3$ мм)	0,45
3.2.	юпқа деворли ($< 0,3$ мм)	0,4
4.	Тизимнинг автоматлаштирилган бошқаруви	0,1
5.	Сув ҳисоблагич	0,1
ЖАМИ		**

* мазкур қисмдаги кўрсаткичларнинг биттаси танланади;

** 1, 2, 3, 4, 5 сатрлардаги кўрсаткичлар қўшиб акс эттирилади.

**Сувни тежайдиган суғориш тизимларини харид қилиш ва қуришга
ажратиладиган банк кредитлари бўйича фоиз харажатларининг
бир қисмини қоплаш учун субсидиялар**

Қишлоқ хўжалиги маҳсулотлари ишлаб чиқарувчиларига сувни тежайдиган суғориш тизимларини харид қилиш ва қуришга ажратиладиган банк кредитлари бўйича фоиз харажатларининг бир қисмини қоплаш қўйидаги тартибда амалга оширилади:

Сувни тежайдиган суғориш тизими тури	Тадбиркорлик фаолиятини қўллаб-қувватлаш давлат жамғармаси маблағлари ҳисобидан банк кредитлари бўйича фоиз харажатларининг бир қисмини қоплаш
Пахта*	
Томчилатиб суғориш	1 гектар экин майдони учун 25 миллион сўмдан ошмайдиган қисми бўйича лойиҳа сонидан қатъи назар, миллий валютада ажратиладиган тижорат кредитлари бўйича фоиз ставкасининг Ўзбекистон Республикаси Марказий банкининг асосий ставкасидан ошадиган, лекин Марказий банкнинг асосий ставкасининг 45 фоизидан ошмаган миқдоригача, хорижий валютада ажратиладиган тижорат кредитлари бўйича тижорат банклари томонидан белгиланган фоиз ставкасининг 3 фоизлик пунктдан ошмаган миқдорда
Дискретли суғориш	Тадбиркорлик фаолиятини қўллаб-қувватлаш давлат жамғармаси тўғрисидаги низомда назарда тутилган шартларда
Донли экинлар*	
Кенг қамровли ва мобиль суғориш	1 гектар экин майдони учун 25 миллион сўмдан ошмайдиган қисми бўйича лойиҳа сонидан қатъи назар, миллий валютада ажратиладиган тижорат кредитлари бўйича фоиз ставкасининг Ўзбекистон Республикаси Марказий банкининг асосий ставкасидан ошадиган, лекин Марказий банкнинг асосий ставкасининг 45 фоизидан ошмаган миқдоригача, хорижий валютада ажратиладиган тижорат кредитлари бўйича тижорат банклари томонидан белгиланган фоиз ставкасининг 3 фоизлик пунктдан ошмаган миқдорда
“Спринклер” тизими	
Сабзавот экинлари ва картошка*	
Томчилатиб суғориш	Тадбиркорлик фаолиятини қўллаб-қувватлаш давлат жамғармаси тўғрисидаги низомда назарда тутилган шартларда
Кенг қамровли ва мобиль суғориш	
“Спринклер” тизими	
Полиз экинлари*	
Томчилатиб суғориш	Тадбиркорлик фаолиятини қўллаб-қувватлаш давлат жамғармаси тўғрисидаги низомда назарда тутилган шартларда
Озуқабоп, мойли, дуккакли экинлар ва доривор ўсимликлар*	
Томчилатиб суғориш	Тадбиркорлик фаолиятини қўллаб-қувватлаш давлат жамғармаси тўғрисидаги низомда назарда тутилган шартларда
Кенг қамровли ва мобиль суғориш	
“Спринклер” тизими	

Мевали экинлар**	
Томчилатиб суғориш	Тадбиркорлик фаолиятини қўллаб-қувватлаш давлат жамғармаси тўғрисидаги низомда назарда тутилган шартларда
Узум***	
Томчилатиб суғориш	Тадбиркорлик фаолиятини қўллаб-қувватлаш давлат жамғармаси тўғрисидаги низомда назарда тутилган шартларда

**) субсидиялар Ўзбекистон Республикаси Давлат бюджети маблағлари ҳисобидан тақдим этилади;*

***) субсидиялар Ўзбекистон Республикаси Қишлоқ хўжалиги вазирлиги ҳузуридаги Боғдорчилик ва иссиқхона хўжалигини ривожлантириш агентлиги қошидаги Боғдорчилик ва иссиқхона хўжалигини ривожлантириш жамғармаси ҳамда Ўзбекистон Республикаси Давлат бюджети маблағлари ҳисобидан тенг улушларда тақдим этилади;*

****) субсидиялар хўраки ва кишмишбоп узум плантациялари учун Ўзбекистон Республикаси Қишлоқ хўжалиги вазирлиги ҳузуридаги Боғдорчилик ва иссиқхона хўжалигини ривожлантириш агентлигининг Боғдорчилик ва иссиқхона хўжалигини ривожлантириш жамғармаси маблағлари ҳисобидан, техник навли узум плантациялари учун эса Алкоголь ва тамаки бозорини тартибга солиш ҳамда виночиликни ривожлантириш агентлигининг Виночиликни ривожлантириш жамғармаси маблағлари ҳисобидан тақдим этилади.*

Ўзбекистон Республикаси Президентининг
2022 йил 1 мартдаги ПҚ–144-сон қарорига
4-илова

**Ўзбекистон Республикаси Президентининг
айрим қарорларига киритилаётган ўзгартириш ва қўшимчалар**

1. Ўзбекистон Республикаси Президентининг 2020 йил 11 декабрдаги “Қишлоқ хўжалигида сувни тежайдиган технологияларни жорий этишни янада жадал ташкил этиш чора-тадбирлари тўғрисида”ги ПҚ–4919-сон қарорига 2 ва 3-иловалар ўз кучини йўқотган деб ҳисоблансин.

2. Ўзбекистон Республикаси Президентининг 2021 йил 24 февралдаги “Ўзбекистон Республикасида сув ресурсларини бошқариш ва ирригация секторини ривожлантиришнинг 2021–2023 йилларга мўлжалланган стратегиясини тасдиқлаш тўғрисида”ги ПҚ–5005-сон қарорининг 6-бандидаги “2021” рақами “2022” рақами билан алмаштирилсин.

3. Ўзбекистон Республикаси Президентининг 2021 йил 6 апрелдаги “Ўзбекистон Республикаси Сув хўжалиги вазирлиги фаолиятини янада такомиллаштириш чора-тадбирлари тўғрисида”ги ПҚ–5055-сон қарорида:

а) 2-иловада:

“Ички аудит хизмати 2” блокидаги “2” рақами “3” рақами билан алмаштирилсин;

изоҳдаги “82” рақами “83” рақами билан алмаштирилсин;

б) 3-иловада:

“Қурилиш ва таъмирлаш ишларини ташкил қилиш бўлими 2” блокидан кейин “Ички аудит гуруҳи 1” блоки билан тўлдирилсин;

изоҳдаги “21” рақами “22” рақами билан алмаштирилсин;

в) 4-иловада:

“Қурилиш ва таъмирлаш ишларини ташкил қилиш бўлими 2” блокидан кейин “Ички аудит гуруҳи 1” блоки билан тўлдирилсин;

изоҳдаги “219”, “19” ва “16” рақамлари тегишинча “231”, “20” ва “17” рақамлари билан алмаштирилсин.

